

He adds, that from *Maſtricht* alſo 'twas written, that with the ſame liquor the blood of a leg had been ſtopp'd, the half of which had been carry'd away by a Canon-bullet.

*Illuſtriſſimi ſuſcii* modus, quo demonſtrat Methodum ſuam ducendi Tangentes ad quaſlibet Curvas abſq; calculo, antehac traditam in horum Actorum N<sup>o</sup>. 90.

— *DE* Clar. Viri . . . . Methodo nihil aliud dicere poſſum, niſi mihi videri meam eſſe, quâ nempe tot ante annos uſus ſum, & cujus ope flexus Curvarum contrarios ac Problematum limites oſtendi tum in *Miſcellaneis meis*, tum etiam in literis, ſi rectè memini, olim ad te datis. Quâ viâ in illam inciderit, & quomodo illam demonſtret vir doctiſſimus, ab ipſo intelligere poteris: Ego ſanè paucis, ut aliàs ad Te ſcripſi, & vulgò notis, Lemmatibus rem abſolvo; atque, ut candidè Tecum agam, ecce ipſa Lemmata;

1. *Differentia duarum dignitatum ejuſdem gradûs applicata ad differentiam laterum, dat partes ſingulares gradûs inferioris ex binomio laterum*; Ut  $y - x = yy + yx + xx$ . Legitur hoc apud pleroſque & faciè oſtenditur.

2. Tot ſunt partes ſingulares ex binomio in gradu quolibet, quot unitates habet Exponens dignitatis immediatè ſuperioris; tres nimirum in Quadrato, quatuor in Cubo, &c. Et hoc vulgò notum.

3. Si quantitas eadem applicetur ad duas alias, quarum ratio data ſit, Quotientes erunt reciproci in eadem ratione data, Quod quidem evidens eſt vel cuilibet Arithmeticæ candidato.

His Lemmatibus methodus mea demonſtratur: Nee multum temporis Tibi erit impendendum, ut demonſtrationem ex illis concinnes, cùm eo ordine à me diſpoſita ſint, qui ad illum quaſi manu ducit. Plura ſcribere me vetat temporis brevitās. Vale, meque ut ſoles ama, Dabam Leodii 3. Maii 1673.